

## ხელშეკრულება სახელმწიფო შესყიდვის შესახებ 305/ზ

თბილისი

„ 18 “ ივლისი 2017 წ.

### 1. ხელშეკრულების დამდები მხარეები

ერთის მხრივ, სსიპ „ადამიანით ვაჭრობის (ტრეფიკინგის) მსხვერპლთა, დაზარალებულთა დაცვისა და დახმარების სახელმწიფო ფონდი“ (შემდგომში - „შემსყიდველი“) წარმოდგენილი მისი დირექტორის თამილა ბარკალაია სახით და მეორეს მხრივ ი/მ „ნინო კახურაშვილი“ (შემდგომში - „მიმწოდებელი“)

### 2. ხელშეკრულების საგანი

2.1 შემსყიდველმა განახორციელა „სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის „დ“ ქვეპუნქტისა და „საჯარო სამართლის იურიდიული პირის - ადამიანით ვაჭრობის (ტრეფიკინგის) მსხვერპლთა, დაზარალებულთა დაცვისა და დახმარების სახელმწიფო ფონდის მიერ სახელმწიფო შესყიდვის გამარტივებული შესყიდვის საშუალებით განხორციელების შესახებ“ საქართველოს მთავრობის 2017 წლის 12 იანვრის N32 განკარგულების საფუძველზე გამარტივებული შესყიდვა, შემსყიდველისათვის საქართველოს 2017 წლის სახელმწიფო ბიუჯეტიდან გამოყოფილი ასიგნებების ფარგლებში შემსყიდველის ტერიტორიულ ერთეულის (ფილიალი) მარტყოფის შშმპ პანსიონატის ბენეფიციარების საჭიროებისათვის სამედიცინო მომსახურების (შესყიდვის ობიექტის ერთგვაროვნება - ჯანდაცვის სამსახურის მომსახურებები - 85100000; დეტალური CPV-85131000 - სტომატოლოგიური მომსახურებები) შესყიდვაზე და მიმწოდებელმა აიღო ვალდებულება გაუწიოს შემსყიდველს ზემოაღნიშნული მომსახურება არაუმეტეს 300 (სამასი) ლარად (შემდგომში „ხელშეკრულების ღირებულება“).

2.2 ხელშეკრულების 2.1. პუნქტში აღნიშნულ ხელშეკრულების ღირებულებაში შედის საქართველოს კანონმდებლობით გათვალისწინებული ყველა გადასახადი და მოსაკრებელი.

### 3. შესყიდვის ობიექტის მახასიათებლები

3.1. მარტყოფის შშმპ პანსიონატში განთავსებული ბენეფიციარების საჭიროებისათვის წინამდებარე ხელშეკრულების დანართი #1-ით გათვალისწინებული სამედიცინო მომსახურების შესყიდვა.

3.2 მომსახურების ღირებულება განისაზღვრება ხელშეკრულების დანართში #1 მოცემული ფასების შესაბამისად.

### 4. მომსახურების გაწევის პირობები

მომსახურების მიწოდების ადგილი და ვადები მოცემულია ხელშეკრულების დანართ №1 - ში.

### 5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიღება-ჩაბარება უნდა გაფორმდეს მიღება-ჩაბარების აქტით, მომსახურების გაწევის შემდეგ, ფაქტიურად გაწეული მომსახურების მიხედვით.

5.2 მომსახურების გაწევის შემდეგ მიმწოდებელი შემსყიდველს წარუდგენს გაწეული მომსახურების შესახებ მიღება-ჩაბარების აქტს და საგადასახადო ანგარიშ-ფაქტურას (იმ შემთხვევაში თუ მიმწოდებელი დ.დ.გ-ს გადამხდელია).

### 6. ანგარიშსწორების პირობები

6.1. ანგარიშსწორების ფორმა იქნება უნაღდო ანგარიშსწორება ლარებში.

6.2. ფაქტიურად გაწეული მომსახურების ღირებულების ანაზღაურება იწარმოებს ხელშეკრულების 5.2. პუნქტით გათვალისწინებული დოკუმენტაციისა და ხელშეკრულების 15.1. პუნქტით განსაზღვრული პირის მიერ შედგენილი ინსპექტირების დასკვნის საფუძველზე.

6.3 შემსყიდველი უზრუნველყოფს „მიმწოდებლის“ დაფინანსებას 6.2 პუნქტში აღნიშნული დოკუმენტაციის წარმოდგენიდან არაუგვიანეს 7 (შვიდი) სამუშაო დღეში.



## **7. მხარეთა ვალდებულებები**

7.1 მიმწოდებელი ვალდებულია:

7.1.1 შემსყიდველს გაუწიოს მომსახურება ხელშეკრულებაში გათვალისწინებული მოთხოვნის შესაბამისად და უზრუნველყოს თანმხლები დოკუმენტაციის წარდგენა;

7.1.2 კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;

7.1.3 დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;

7.2 შემსყიდველი ვალდებულია:

7.2.1 სახელმწიფო ბიუჯეტით გათვალისწინებული თანხების უწყვეტი დაფარვის პირობებში, უზრუნველყოს მიმწოდებლის დროული და სრული დაფინანსება.

7.2.2 დროულად განიხილოს მიმწოდებლის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

## **8. მხარეთა უფლება**

8.1 მიმწოდებელს უფლება აქვს:

8.1.1 ხელშეკრულების ფარგლებში მოითხოვოს დროული და სრული დაფინანსება.

8.2 შემსყიდველს უფლება აქვს:

8.2.1 აწარმოოს ხელშეკრულების პირობების შესრულების მონიტორინგი.

## **9. ფორს-მაჟორი**

9.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

## **10. ხელშეკრულების პირობების და ფასების გადასინჯვა**

10.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2 წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.



10.3 ხელშეკრულების პირობების ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

### **11. სადაო საკითხების გადაწყვეტა**

11.1 შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2 თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

### **12. ხელშეკრულების შესრულების შეფერხება**

თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

### **13. ხელშეკრულების პირობების შეუსრულებლობა**

13.1. ხელშეკრულებით ნაკისრი ვალდებულებების არაჯეროვნად შესრულების (მათ შორის ვალდებულების შესრულების ვადაგადაცილების) შემთხვევაში მხარე უფლებამოსილია მოითხოვოს, ხოლო ასეთ შემთხვევაში დამრღვევ მხარეს დაეკისრება პირგასამტეხლო შესასრულებელი ვალდებულების შესაბამისი ღირებულების გადასახდელი თანხის / 0,02%-ის ოდენობით, ყოველ ვადაგადაცილებულ დღეზე.

13.2. ხელშეკრულებით ნაკისრი ვალდებულებების შეუსრულებლობის შემთხვევაში შესაბამის მხარეს ეკისრებათ პირგასამტეხლო ხელშეკრულების ღირებულების 10%-ის ოდენობით;

13.3. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

13.4. იმ შემთხვევაში, თუ ხელშეკრულებით ნაკისრი ვალდებულების არაჯეროვანი შესრულებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 0,2%-ს, მეორე მხარეს უფლება აქვს შეწყვიტოს ხელშეკრულება.

### **14. ხელშეკრულების შეწყვეტა**

14.1 ხელშეკრულება შეიძლება შეწყვეტილ იქნეს:

14.1.1 მხარეთა შეთანხმებით;

14.1.2 ერთ-ერთი მხარის ინიციატივით, მეორე მხარის წერილობითი გაფრთხილებიდან 10 (ათი) კალენდარული დღის ვადაში;

14.1.3. ხელშეკრულების 13.4. პუნქტით გათვალისწინებულ შემთხვევაში;

14.1.4. საქართველოს მოქმედი კანონმდებლობით და ამ ხელშეკრულებით გათვალისწინებულ სხვა შემთხვევაში.

### **15. ხელშეკრულების შესრულების კონტროლი**

15.1 ხელშეკრულების შესრულების კონტროლს განახორციელებს, შემსყიდველის დირექტორის ბრძანებით განსაზღვრული პირი.

15.2 წინამდებარე ხელშეკრულების 15.1. პუნქტით გათვალისწინებული პირის ფუნქციებია:

15.2.1 გაწეული მომსახურების მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა;

15.2.2 ინსპექტირების დასკვნის მომზადება და მიღება-ჩაბარების აქტის გაფორმება.

15.2.3 საქართველოს მოქმედი კანონმდებლობით გათვალისწინებული სხვა ღონისძიებების განხორციელება.

**16. ხელშეკრულების მოქმედების ვადა**

წინამდებარე ხელშეკრულება ძალაში შედის მხარეთა მიერ ხელმოწერისთანავე და მოქმედებს 2018 წლის 20 თებერვლის ჩათვლით.

**17. განსაკუთრებული პირობები**

17.1 ხელშეკრულება შედგენილია 4 ეგზემპლარად და თითოეულ მათგანს თანაბარი იურიდიული ძალა აქვს;

17.2 ხელშეკრულების ერთი ეგზემპლარი ინახება მიმწოდებელთან სამი – შემსყიდველთან.

**„შემსყიდველი“**

სსიპ „ადამიანით ვაჭრობის (ტრეფიკინგის)  
მსხვერპლთა, დაზარალებულთა დაცვისა და  
დახმარების სახელმწიფო ფონდი“  
ქ. თბილისი თამარაშვილის #15ა  
სახელმწიფო ხაზინა  
კოდი № TRESGE22  
ა/ა № GE24NB0330100200165022  
ს/კ № 205169592

თამილა ზარკალია  
დირექტორი



**„მიმწოდებელი“**

ი/მ „ნინო კახურაშვილი“  
მის: გარდაბნის რაიონი ს.მარტყოფი  
ს/ს „ლიბერთი ბანკი“  
კოდი №LBRTGE22  
ა/ა №GE34LB0112190390450000  
ს/კ 12001064112



ნინო კახურაშვილი  
ი/მ



დანართი #1

#	გასაწევი მომსახურებები ქირურგიულ და თერაპიულ სტომატოლოგიაში	ერთეული ს ფასი	ტექნიკური დავალება	მიწოდების ადგილი და ვადები
1	ვიზიტი სტომატოლოგთან	5 ლ		
2	პერიოდონტიტი ქრონიკული (ექსტრაქცია)	15 ლ		მომსახურების გაწევა უნდა განხორციელდეს
3	პერიოდონტიტი ქრონიკული (გართ.ექსტრაქცია)	30 ლ	მომსახურების გაწევა უნდა განხორციელდეს მაღალი კვალიფიკაციის მქონე ექიმ-სტომატოლოგის მიერ, მომსახურების გაწევა უნდა განხორციელდეს მიწოდებლის სტომატოლოგიურ კაბინეტში.	ხელშეკრულების გაფორმების დღიდან 2017 წლის 31 დეკემბრის ჩათვლით
4	ექსტრაქციის შემდგომი სისხლდენა	15 ლ	მომსახურების გაწევისას უნდა იყოს დაცული ჰიგიენური ზომები, მომსახურების გაწევის დროს ყველა ინსტრუმენტი უნდა იყოს სათანადო დონეზე დეზინფიცირებული.	გარდაბნის რაიონ ს.მარტყოფში მდებარე სტომატოლოგიურ კლინიკაში.
5	ანესთეზია	5 ლ	მომსახურების გაწევისას ყველა საჭირო მედიკამენტი და სახარჯი მასალა უნდა იყოს მაღალი ხარისხის და შეესაბამებოდეს შესაბამის სტანდარტებს. ექიმ-სტომატოლოგი ვალდებულია მომსახურების გაწევამდე დეტალურად შეისწავლოს პაციენტის მდგომარეობა, დასვას ზუსტი დიაგნოზი, გამოიკვლიოს არის თუ არა პაციენტი რომელიმე პრეპარატის მიმართ ალერგიული.	გაწევა უნდა დაიწყოს შემსყიდველის შესაბამისი ტერიტორიული ერთეულის უფლებამოსილი პირის მიერ მოთხოვნის წაყენებიდან არაუგვიანეს მომდევნო დღისა.
6	მწვავე პერიკორონარიტი	20 ლ	გაწეული მომსახურება უნდა შეესაბამებოდეს აღნიშნული მომსახურებისათვის გათვალისწინებულ სტანდარტებს.	
7	მწვავე ალვეოლიტი	20 ლ		
8	ოდონტოგენური პერიოსტიტი	10 ლ		
9	კბილის III-IV ხარისხის მორყევა	20 ლ		
10	სიბრძნის კბილის ექსტრაქცია	20 ლ		
11	კარიესი	20 ლ		
12	მეორადი კარიესი	15 ლ		

13	კულპიტი	20 ლ		
14	ბჟენი (ცემენტი)	10 ლ		
15	ბჟენი კომპოზიციური	15 ლ		
16	ბჟენი ჰელიო	30 ლ		
17	სტომატიტი	10 ლ		
18	ქვების მოცილება	20 ლ		
19	გინგივიტი	50 ლ		
20	მწვ. პერიოდონტიტი	25 ლ		
21	ქრონიკული პერიოდონტიტი	30 ლ		

მომსახურების გაწევა უნდა განხორციელდეს მაღალი კვალიფიკაციის მქონე ექიმ-სტომატოლოგის მიერ, მომსახურების გაწევა უნდა განხორციელდეს მიმწოდებლის სტომატოლოგიურ კაბინეტში. მომსახურების გაწევისას უნდა იყოს დაცული ჰიგიენური ზომები, მომსახურების გაწევის დროს ყველა ინსტრუმენტი უნდა იყოს სათანადო დონეზე დეზინფექცირებული. მომსახურების გაწევისას ყველა საჭირო მედიკამენტი და სახარჯი მასალა უნდა იყოს მაღალი ხარისხის და შეესაბამებოდეს შესაბამის სტანდარტებს. ექიმ-სტომატოლოგი ვალდებულია მომსახურების გაწევამდე დეტალურად შეისწავლოს პაციენტის მდგომარეობა, დასვას ზუსტი დიაგნოზი, გამოიკვლიოს არის თუ არა პაციენტი რომელიმე პრეპარატის მიმართ ალერგიული. გაწეული მომსახურება უნდა შეესაბამებოდეს აღნიშნული მომსახურებისათვის გათვალისწინებულ სტანდარტებს.

მომსახურების გაწევა უნდა განხორციელდეს ხელშეკრულების გაფორმების დღიდან 2017 წლის 31 დეკემბრის ჩათვლით გარდაბნის რაიონ ს.მარტყოფში მდებარე სტომატოლოგიურ კლინიკაში. მომსახურების გაწევა უნდა დაიწყოს შემსყიდველის შესაბამისი ტერიტორიული ერთეულის უფლებამოსილი პირის მიერ მოთხოვნის წაყენებიდან არაუგვიანეს მომდევნო დღისა.

**„შემსყიდველი“**  
 სსიპ „ადამიანით ვაჭრობის (ტრეფიკინგის) მსხვერპლთა, დაზარალებულთა დაცვისა და დახმარების სახელმწიფო ფონდი“

**„მიმწოდებელი“**  
 ი/მ „ნინო კახურაშვილი“

თამილა ბარკალაია  
 დირექტორი



ნინო კახურაშვილი  
 ი/მ

